



## ANDLÁT STEINGRÍMS HERMANNSSONAR

Með andláti Steingríms Hermannssonar lýkur merkur kafla í þjóðmálasögu Íslendinga. Í áratugi var hann í fremstu forystusveit, mótaði stefnuna á umbrotatímum og stýrði efnahagslífi þjóðarinnar fyrir um 20 árum inn í nýtt tímabil stöðugleika og hagsældar.

Áhrifin frá foreldrunum mótuðu Steingrím ríkulega, hugsjónir kynslóðarinnar sem hertist í baráttu við fátækt kreppuára og fagnaði síðan lýðveldisstofnun á Þingvöllum.

Úr foreldragarði fékk Steingrímur einnig ást sína á íslenskri náttúru, lífssýn sem varð honum eldheit hugsjón og grundvöllur framgöngu í umhverfismálum.

Við Steingrímur kynntumst ungir þegar báðir voru að hefja þátttöku í þjóðmálum og síðar urðum við samherjar í ríkisstjórn og góðir vinir.

Það voru forréttindi að fylgjast með því hvernig Steingrímur stýrði ríkisstjórn, óf saman ólík sjónarmið og tryggði að allir hlytu sóma af árangrinum.

Steingríms Hermannssonar verður lengi minnst sem mikilhæfs forsætisráðherra og hugsjónamanns sem helgaði Íslandi krafta sína.

Ólafur Ragnar Grímsson